

Вход 13.10.2024

**Тропарь глас 7:**

Разрушил еси Крестом Твоим смерть, / отвёрзл еси разбойнику рай, /  
мироносицам плач преложил еси, / и апостолом проповедати повелел еси, / яко  
воскресл еси, Христе Боже, / даруяй миру // велию милость.

**Тропарь глас 4:**

Правило веры и образ кротости, / воздержания учителя / яви ты стаду твоему / Яже  
вещей Истина. / Сего ради стяжал еси смирением высокая, / нищетою богатая, /  
отче священноначальниче Николае, / моли Христа Бога, // спасися душам нашим.

**Тропарь глас 4:**

И нравом причастник, / и престолом наместник апостолом быв, / деяние обрел  
еси, богодухновенне, / в видения восход; / сего ради слово истины исправляя, / и  
веры ради пострадал еси даже до крове, / священномучениче Григорие, / моли  
Христа Бога // спасися душам нашим.

**Кондак, глас 7:**

Не ктому держава смертная / возможет держати человеки: / Христос бо сниде,  
сокрушая и разоряя силы ея; / связуемь бываает ад, / пророцы согласно радуются, /  
предста, глаголюще, Спас сущим в вере: // изыдите, вернии, в воскресение.

**Кондак, глас 3:**

В Мирех, святе, священнодействитель показался еси, / Христово бо, преподобне,  
Евангелие исполнив, / положил еси душу твою о людех твоих / и спасл еси  
неповинныя от смерти. / Сего ради освятился еси, // яко великий таинник Божия  
благодати.

**Слава ....**

**Кондак, глас 2:**

Благославнаго и священноначальника вси, / яко страдальца истины, / днесь  
вернии в песнях и песнопениях восхвалим, / бодраго пастыря и учителя  
Григория, / всемирнаго светильника и поборника, // Христу бо молится, еже  
спасися нам.

**и ныне ....**

**Кондак, глас 6:**

Предстательство христиан непостыдное, / ходатайство ко Творцу непреложное, /  
не презри грешных молений гласы, / но предвари, яко Благая, на помощь нас,  
верно зовущих Ти: / ускори на молитву и потщися на умоление, /  
предстательствующи присно, Богородице, чтущих Тя.

---

**Прокимен, глас 7:** Господь крепость людям Своим даст, / Господь благословит  
люди Своя миром.

**Ин Прокимен, глас 7:** Восхвалятся преподобнии во славе, / и возрадуются на  
ложах своих.

**Причастен:** Хвалите Господа с небес, хвалите Его в вышних. Аллилуиа,  
аллилуиа, аллилуиа.

**Ин Причастен:** В память вечную будет праведник, от слуха зла не убоится.